



Broj: 04-40-1-207/25
Sarajevo, 27.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 26.07.2025. do 08:30 sati 27.07.2025. godine

Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 18 manjih intervencija i to: pet na gašenju niskog rastinja, šest na gašenju zapaljenog smeća u kontejneru, jednu na gašenju zapaljenog dimnjaka, pet obezbjeđenja aerodrom i jednu tehničku otvaranje vrata.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 26.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Prilikom redovnog obilaska lokaliteta klizišta Curine njive, izvršen je vizuelni pregled kompletnog terena. Na lokalitetu klizišta stanje je nepromijenjeno u odnosu na prethodni dan. Nema pojave novih pukotina, niti znakova pogoršanja stabilnosti tla. Vлага u tlu i dalje je prisutna na više mjesta, posebno u zoni ispod igrališta, iznad rasadnika, kao i na dijelu gdje je vidljiv dotok vode iz pravca deponije, koji se ulijeva u drenažni kanal

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda. Na deponiji je vidljiva blaga erozija tla, a u donjem dijelu lokaliteta je konstantno vidljivo prisustvo plavnih i blatnjavih površina. Također, u tom dijelu je stalno prisutan dotok vode u vidu manjeg potoka, kojiprotiče kroz teren i direktno doprinosi zasićenju tla, uzrokujući nastanak navedenih pojava. U donjem dijelu deponije konstantno prisutno blatnjavo tlo, kao i plavne površine, pri čemu je trenutno uočeno pojačano prisustvo vode u tom dijelu što ukazuje na zadržavanje i povećanu zasićenost tla vlagom

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Na lokalitetu Bistričkog potoka nije zabilježen dotok vode iz pravca Trebevića, gdje je korito potpuno suho. Iz pravca obližnje kaptaze vidljiv je slabiji, gotovo neprimjetan dotok vode, koji se spaja s glavnim tokom, ali ne utiče značajnije na količinu vode u koritu. U samom potoku, na potezu od mosta na Boguševcu prema Latinskoj ćupriji, nema zastoja u protoku vode i tok je nesmetan.

U gornjem dijelu korita stanje ostaje nepromijenjeno, i dalje su prisutna oborena stabla i urušene veće stijene, koje djelimično zauzimaju prostor unutar korita i potencijalno predstavljaju prepreku u slučaju povećanog vodostaja.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 17°C, vlažnost zraka 82%, barometarski pritisak 943,1 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Zbog održavanja manifestacije, do 10.08.2025. godine u vremenu od 18 do 23 sata obustavljat će se saobraćaj u Hadžićima (u ulicama Hadželi i Zlatnih ljiljana).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a